

綏中縣志

王火
署





105177

綏中縣志目錄

第十四卷

物產

上
以平糶而失資或以不時而戕生穀地不愛望而更制亦有岐山

穀類

蔬類

菌類

菓類

花類

草類

木類

藥類

菓園

蔬園

菜園

蜂園

園

園十四卷

園中雜志目錄

物產序

綏邑襟山帶海雖無懷珠蘊玉之奇而飛潛動植產於原隰者尙稱蕃息特恐
育之無術或以非法而失養或以不時而戕生縱地不愛寶而美利亦有時而
盡是在今之修養家善爲取法焉可耳

安中系志卷十四物產序

本

一

二

此亦今之對策家務於求其法耳

青之辨而取以非若而夫養也及不和而似半雖賦不食實而美其亦言而
知也然山帶其端端財其臨主之香而無情雖其亦其及則古會其善且其也

將進

物產編

植物

穀類

蜀黍 盛京通志蜀黍者今呼為高糧是也羣芳譜曰一名蜀秫一名蘆稌一

名蘆粟一名高粱一名木稷一名荻梁廣雅云荻梁木稷也蒸饊作飯

可以濟餓亦可養畜尤可入麴燒酒莖可織箔編蓆夾籬供爨梢可作

帚綬中所產此為大宗種類頗繁俗名各異其特產有大葉青平頂香

黃殼黏黃殼笨紅殼黏紅殼笨喜鵲白老呱窩大蛇眼諸種皆宜窪地

其次小蛇眼歪脖糲黃殼圓黃殼白諸種皆宜高地又一種豬翹脚莖

幹不高收穫最早又一種料高根不堪爲飯只以飼畜登場脫穗者曰

紅糧春簸去糠者曰秫米莖幹曰秫楷

穀

說文百穀總名也羣芳譜曰粟北方直名曰穀脫殼爲穀米亦曰小米說

文粟嘉穀實也本草李時珍曰穗大而芒長粒麤者爲梁穗小而芒短粒

細者爲粟有紅黃白數色綏中所產穀種極繁俗名亦異一種黃穀紅根

緊穗有金棒槌老虎爪等名一種白穀其性黏有尖穗齊穗繩穗六稜刀

柄齊諸名一種青穀其性黏紅莖綠桿芒穀皆紅米面白一種名六十日

還家其收穫較他穀最早故又名爲快穀是也

黍

說文禾屬而黏者也以大暑種故謂之黍出車詩曰黍稷方華二物大致

相類但以稷比黍黍差爲早又雷禮真定府志云黍大而稷小黍穗散而稷穗聚所謂黃米者黍也按關內呼曰黍子綏中呼爲糜子去殼者曰黃米其種有黃白赤黑之別作用甚廣爲飯爲饊爲餈爲酒爲醴清時以米粉充貢

糜
說文糲也黍之不黏者也齊民要術曰刈糲宜早其莖桿類粟而穗散其米類黍而不黏俗呼爲笨糜子是也北蒙多和酥酪炒熟以代飯爲食品
大宗邊內惟製皮者必需之

粱
說文禾苗也盛京通志曰較穀米粒大兼有黃白青赤諸色爾雅云黃粱穗大毛長殼米俱麤於白粱而收子少不耐水旱食之香味逾於諸粱人

號爲竹根黃白梁穗大毛多而長米亦白而大其香爲黃梁之亞綏中所
產有名梁穀者其穗仰而不垂米白粒有長圓之別粒圓者曰梁穀米粒
長者曰芝蔴梁

玉蜀黍 本草綱目李時珍曰其苗幹俱似蜀黍而肥矮六七月開花成穗如

秕麥狀苗心別出一苞苞上出鬚如紅白絨下垂熟則苞拆子出有

小粒紅大粒紅馬芽麪苞等類顆粒純白者曰白包米顆粒斑駁黃

白黑相間而生者曰花包米又一種性黏色白粒小而緊曰黏包米

綏中出產是爲大宗可舂米可磨麪可漚爲粉亦可乘半熟時煮而

食之

黏蜀黍 盛京通志曰一種殼黃一種殼黑與蜀黍無異但性黏俗呼爲黏秫

米又一筓帚黍性亦黏穗長可爲帚粒堪飼畜俗呼爲筓帚糜子

稭 與粳同說文稭稻屬也本草李時珍曰粳有水旱二稭南方下隰多宜水

稻北地高燥宜旱稻羣芳譜曰葉與粳似小麥穗似大麥稈與實不相黏

堪作飯作粥南方以爲常食北方以爲佳品按奉天所產以遼中爲最佳

綏中次之

糯 亦作稞盛京通志曰黏稻即糯米亦稱大米莖穗與粳稻相似性黏味甘

香可釀酒亦可爲糲糲糯餅食品中之最佳者

小麥 詩周頌貽我來牟注來小麥羣芳譜曰苗生如韭成似稻高二三尺實

居穀中芒生殼上生青熟黃春種夏熟綏中地寒只宜春種至六月始刈磨麥入羅篩去麩皮曰白麪束皙賦曰重羅之麪是也

大麥 詩周頌貽我來牟註牟大麥也羣芳譜曰莖葉與小麥相似但莖微麤葉微大色深青而外如白粉芒長殼與粒相黏未易脫碾米可作粥飯亦可造麪作醬生芽可作餲

蕎麥 本草蕎麥一名菽麥一名烏麥一名花蕎伏種秋收赤莖綠葉開小白花繁密結實累累如羊蹄三稜老則烏黑色王禎農書云北方多種磨而爲麪作煎餅或作湯餅謂之飴餠以供常食

稗 說文似禾而別也性宜下隰生植極繁米細而白可煮粥蒸餅飼養家畜

其草可以葺屋可代生芻土人多種之

脂麻

本草李時珍曰胡麻即芝麻有遲早二種黑白赤三色其莖皆方秋開

白花其花向下結子向上炒焦榨油俗謂香油是也又曰小麻油生熟

皆可食可入藥熬膏微炒春搗和鹽並可代醬俗呼為麻醬亦曰油胚

其渣可為肥料

蔴麻

俗名大麻子可榨油亦可入藥

火麻

有雄有雌雄者為臬爾雅所謂臬麻五六月開細黃花成穗隨即結實

子可取油剝其皮作麻盛京通志曰皮漚之為綫子收之可榨油土人

亦有製成豆腐而食者

蘇 盛京通志曰有紫白二種子可榨油渣可糞地紫蘇梗葉及子皆可入藥

薏苡

按漢書馬援征交趾載其種有二分黑白色其米色白如糯米可作粥

飯及磨麪食亦可釀酒俗名曰草珠子米入藥曰薏苡仁產綏中者尤

潔白而粒大

大豆

羣芳譜曰黃豆有大小數種名類不一苗葉莢萁與黑豆無異惟葉之

色稍淡結角比黑豆稍肥其豆可食可醬可豉可油可腐腐之滓可飼

豬荒年亦可充饑油之滓可糞地油之餅可飼畜萁可燃火葉可爲茹

綏中物產豆亦大宗

黑豆

羣芳譜曰黑豆即大豆之黑者蔓生莖葉蔓延葉團色青帶黑上有小

白毛秋開小白花成叢結莢長寸餘多者五六粒亦有一二粒者經霜
乃熟又有一種皮黑瓢青曰青瓢子豆皮豆葉豆花皆入藥莖可作薪
小豆 羣芳譜曰小豆有鰲白赤三種一種極白者名象牙白皆食品其鰲赤
二種比綠豆莢稍大微白至秋開花結實黃時即收可煮可炒可粥可
飯可作麪食

綠豆

羣芳譜曰其色鮮者爲明綠色黯者爲灰綠今俗呼鸚哥綠色黯者爲
胡綠綏中物產製造較精有綠豆粉條寬窄麤細各種極細者曰湯粉
曰團粉曰片粉又一種稍厚者曰粉皮熬製成塊者曰涼粉爲夏令食

品豆花豆葉豆莢豆芽豆粉豆皮皆入藥能解諸毒

豇豆

羣芳譜曰此種豇豆一年便可兩收一種蔓長丈餘一種蔓短懸架嫩時可茹其花有紅白二色莢有白紅紫赤斑駁數色生必兩兩並垂子微曲嫩時充菜老則收子今人呼斑駁者曰麻豇豆或呼爲花肥豆又有兩端紅中間白者曰花腰子又一種純白而粒大者俗呼爲爬豆入飯頗佳亦豆中佳品也

豌豆

本草謂胡豆即豌豆也其苗柔弱宛宛故得名豌豆三四月開小花如蛾形淡紫色結莢形圓長寸許子圓如藥丸嫩時可煮食老則可炒食可餡可磨粉麪百穀之中最爲先登

小豆

蠶豆

本草綱目李時珍曰豆莢狀如老蠶嫩苗可茹本圓末尖面綠背白一

枝三葉花如蛾狀結角連綴頗似蠶形此種極救農家之急且蝗所不食

菹豆

羣芳譜曰此豆蔓生至立夏後人家多種之或在籬邊或以竹木架起每三枝一居頂二對生一枝三葉亦一居頂葉大如盃花有紫白二色狀如小蛾有翅尾形莢生花下花卸而莢現白露後結實繁衍子有黑白赤斑四色蘇頌圖經曰黑者名鵲豆蓋以其黑間有白道如鵲羽也俗呼老婆耳者是也

刀豆

酉陽雜俎曰樂浪有挾劍豆莢生橫斜如人所持刀劍狀即此豆也

雲豆

俗呼六月鮮按綏中所產二種一種蔓生須架起有紅黃白紫黑諸色

豆黑者爲上品莢嫩而肥爲蔬中佳品至老收子可入飯一種就地而生不滋蔓莢皮厚而豆白筋膜較多人喜其易植且省支架之勞亦多種之

蔬類

韭 禮曰豐本可以供祀至八月始開白花年刈數次而根不朽冬時移根培於暖室出苗者謂之黃芽韭味美異常售價亦昂

山韭 說文鐵山韭也生於山中根白葉綠如燈心苗與家韭相類可採而食

葱 本草綱目李時珍曰外直中空有蔥通之象其種有四冬葱漢葱胡葱茗

葱初生曰葱鍼葉曰葱青衣曰葱袍莖曰葱白葉中涕曰葱再夏盛冬枯

莖葉俱辛又盛京通志曰春發曰羊角秋種以白露葉相錯者形最高相

對生者葉最美皮紅者性最辣

薤 說文云菜葉似韭自二月開細花紫白色根如小蒜一本數顆田野間多

生殖之人多採取可作蔬亦可入藥俗呼爲小根菜

蒜

爾雅曰大蒜爲葫小蒜爲蒜又正義云黃帝登嵩山遭薶芋草毒得蒜噉食乃解遂收植之其味甚辛能殺腥羶蟲魚之毒今北人以爲常蔬有紫皮白皮二種苗嫩時可生食獨頭者可入藥

菘

盛京通志云俗呼白菜有二種嫩黃者爲黃芽白窄莖者爲箭桿白綠葉大者爲大葉青春種者曰春白菜秋種者曰晚菘綏中土產肥大異常常輸售各城誠爲出產大宗又有稱疙疸白者其種來自外洋亦菘類也

芥

本草綱目李時珍曰芥有三種花芥刺芥皺葉芥大葉皺紋色尤深綠味更辛辣綏中各家依爲常蔬

芹 芹有二種水芹旱芹水芹生陂澤之涯旱芹生平地葉對節生莖有節稜而中空花如蛇狀至五月始開莖葉並堪作菹

菠薐菜 產於西域波陵國劉禹錫嘉話錄云菠薐種出自西國有僧投其子種之實如蒺藜子莖柔質脆中空葉綠膩柔可餐南人呼爲菠薐菜北人呼爲赤根菜

白苣 本草綱目李時珍曰白苣苦苣蒿苣共有二種皆宜生食不可煮烹即今之生菜也

莧 羣芳譜曰莧凡五種曰赤莧曰白莧曰人莧曰紫莧曰五色莧三月撒種六月以後不堪食土人呼爲莧菜

馬齒莧

土名馬芽菜又名五行菜又名長命菜李時珍曰其性耐久喜燥故

有長命之稱牛園野柔莖布地葉如馬齒土人採食苗可爲蔬根可

入藥

胡葵

漢張騫使西域始得種歸故名胡葵後因石勒諱改爲香葵即今之香

菜也宜肥地種之

茴香

本草綱目李時珍曰生苗作叢肥莖綠葉花如蛇狀如麥粒莖葉可爲

蔬子可入藥

藕

說文作藹韻會凡芙渠行根如竹鞭節生一葉一華華葉常偶故謂之藕

能作蔬亦能作粉綏中此產可稱特出

萹蒿 陸機曰萹正月根芽生香美可蒸食至秋名白蒿可以爲菹詩云于以

采萹又云言刈其萹者即俗稱之萹蒿是也

蒔蘿 本草蒔蘿產於佛誓國一名慈謀救俗名小茴香

薇 一名野豌豆以其莖葉氣味頗似豌豆

紅花菜 羣芳譜曰一名連珠又名紅百合根似百合小而少瓣莖亦短小葉

長而尖開紅花六瓣亦可爲蔬

黃花菜 盛京通志曰一名鍼金菜其花黃色曬乾可食畿輔通志又名金鍼

土人呼爲枇杷抽兒其味稍次及花開則爲黃花菜

鎗頭菜 即蒼朮苗見藥類

蘿蔔 俗呼雹葵一名蘆菔今謂之蘿蔔是也形圓而扁有紅白二色初伏布

種秋後起食其子亦可入藥名萊菔子

水蘿蔔

種有赤白二色春種可作涼菜秋種可醃鹹菜本處所產綏中種植

頗多

胡蘿蔔

李時珍曰元時始自胡地來有赤黃二色氣味微似蘿蔔故名

擘藍

羣芳譜曰葉大於菘根大於芥其根以醬醃之脆美異常葉可作菹亦

作乾菜南方謂之芥藍北人謂之擘藍

秦椒

羣芳譜曰北方曰秦椒盛京通志曰結椒長於棗生青熟紅味至辛土

人多食之俗呼柿子茺亦可入藥

灰藿 俗名灰菜初生時莖葉皆可食一名藜長成後莖可作杖

苦蕒

詩邶風誰謂荼苦大雅曰饅荼如飴葉狹而綠形如苦苣斷之有白汁

花黃似野菊禮記月令四月苦菜秀即苦蕒也

薑

李時珍曰宜原隰沙地取母薑種之苗初生如嫩蘆其葉稍潤似竹葉味

甚辛香秋分前後新芽頓長如列指狀採食無筋其尖紫者名紫薑或作

子薑老者入藥生熟醋醬糟鹽蜜煎皆宜

甘藷

俗呼地瓜有紅白二種莖葉頗長實生土中掘而食之可蒸可煮可煨

可切片曬乾作粥飯可曬磨粉作餅餌作粉條

山藥

原名薯蕷唐避代宗諱改稱薯藥避英宗諱改爲山藥以懷慶產者爲

佳可入藥品尤可蒸食

土芋 一名土豆又名土卵又名黃獨莖葉根均可蒸煮爲食

甘露子 一名地蠶又名土蛹本草綱目李時珍曰苗長近尺方莖對節狹葉

有齒並如鷄蘇但葉皺有毛開小花成穗子如荊芥其根聯珠狀如

老蠶掘根蒸煮食之味如百合可醬漬蜜藏既可爲菜又可充果

茄 本草綱目李時珍曰茄有圓長二形青紫白三色至老皆成黃色王禎農

云茄之爲蔬最耐永久糟鹽豉醋皆可供膳花蒂根株亦可入藥

黃瓜 本名胡瓜北人避石勒諱改呼黃瓜莖五稜有刺開黃花結實青白二
色脆嫩多汁有長數寸者有長一二尺者遍體生刺其瓜即隨花並出

又一種長數寸者俗呼旱黃瓜

苦瓜

一名錦荔枝苦瓜原出南番五月下子生苗引蔓莖葉捲鬚如葡萄開

小黃花五瓣結瓜長者四五寸短者二三寸生青色熟黃色內有紅瓢

味甘可食北人呼爲癩瓜罕有食者

南瓜

種出南番轉入閩浙今燕京諸處亦有之四月生苗引蔓甚繁一蔓可

延十餘丈節節有根其莖中空葉狀如蜀葵花黃如西瓜皮上有稜如

甜瓜一本可結數十顆經霜收置

倭瓜

盛京通志曰種出自倭故名俗稱萵瓜

攪瓜

內生筋絲醬醃蜜餞皆宜食時以筋攪出似縷

絲瓜

一名天絲瓜一名蠻瓜葉大如蜀葵刺取汁可染綠其莖有稜花開五出蕊瓣俱黃其瓜粗寸許長一二尺今人依之以爲常蔬

冬瓜

本草一名白瓜嫩時綠色有毛老則蒼白有粉其瓢謂之瓜練其肉可煮爲茹可蜜爲果其子仁亦可食

越瓜

一名稍瓜又名菜瓜就地引蔓花葉如東瓜結瓜有青白二色長者至二尺許可生食亦可充果蔬醬豉糖醋藏浸皆宜

瓠子

羣芳譜曰江南名扁蒲就地蔓生苗葉花俱如葫蘆結子長一二尺夏熟味淡可煮食不可生噉

壺盧

一名瓠瓜又名匏瓜土名葫蘆種類不一長粗如枕形者爲瓠柄長腹

大者爲匏剖之爲瓢小而無長柄者爲壺亦通稱匏其兩頭圓大而腰細之葫蘆土人呼爲壓葫蘆惟瓠匏可以充蔬餘皆以充器用

甜瓜 詩豳風七月食瓜即甜瓜也種名頗繁有羊角蜜芝蔴酥燈籠脆大青皮白皮各種味極甘甜可餐

西瓜 來自西域胡嶠征回紇因得此種故名西瓜綏中土產種類有四白金鑲青皮黑花力虎黑桃紋等名瓢分黃紅粉白各色剖而食之味甘

打瓜 味酸瓢紅似西瓜而小成熟後剖取其子以油炒食最美

玉瓜 色白如玉形似倭瓜而小

菌類

松蘑 感暑雨而生性黏質厚泡曬可食

楊柳蘑 因暑雨而化生於枯木腐草中採取可食

榛蘑 生榛莖下北山多有之

榆蘑 形如楊柳蘑而味較奇

木耳 生朽木下

地耳 冒春雨而生一名地骨皮入藥

槐蘑 生槐樹上性質清涼能解臟毒

桑蘑 生桑樹上質黑性燥泡酒可逐風寒

菓類

桃 綏中北山產有數種曰毛桃曰白桃曰接桃曰秋接桃品類不一皆應時而熟味色頗佳

梨 羣芳譜曰其花瓣而舒者果甘缺而皺者果酸種類不一有赤梨白梨安梨山梨夏梨秋梨名難悉數綏中西北特產梨爲大宗獲利亟鉅取而食之或鮮或凍或蜜餞甘酸尤爲適口

杏 盛京通志曰奉天錦州諸山皆有之惟綏中尤爲特產杏之名稱綦繁其味美十倍他處

棗 王禎農書曰南北皆有然南棗堅燥北棗肥美今北山各區多修植者

李 羣芳譜曰李實有離核合核無核之別而生純青熟則紅黃紫綠均有實

大如杯卵小如彈丸核花葉皮根皆可入藥

櫻 廣雅曰櫻桃含桃也其顆大如彈丸小如珠璣初生色青熟時色紅有朱

櫻紫櫻之別

蘋 如梨而圓滑生純青色熟則半紅半白光潔著眼翻香撲鼻綏中七八區

多產者

沙菓 盛京通志曰似蘋果而小青紅則脆紅黃則綿綿而沙者曰沙果

檳子 似花紅而較大似蘋菓而稍長色紫味甘產者漸多

山榘 羣芳譜曰樹高丈餘葉有五尖極間有刺開白花五出實有赤黃二色

九月始熟綏中北山有之

松子 狀如大麥白露脫殼不採即隨風漂落北山中多有之

普盤 說文山產也實類山榧色紅味甘酸迎秋即熟俗呼托盤

棠梨 味甘酸色赤白實小如棟子通志謂棠梨俗呼爲杜梨

郁李 羣芳譜曰花子宛似木李子熟如櫻桃赤色可餐一名郁李俗呼歐李

桑椹 說文椹桑實也生青熟紫味甘酸由無數小粒集合而成

枸柰 本草即枸杞也形如麥味酸而色赤

山梨紅 似山榧而小狀如梅子經霜乃紅蜜漬者尤爲甜甘

酸棗 埤雅云大爲棗小爲棘俗呼酸棗也粒小而圓生青熟紅皮薄核大仁

堪入藥

石榴 博雅云若榴石榴也丹實垂垂若贅瘤也肉紅色甜酸可餐

榛 果實如小栗炒食味最香美綏中北山多產之

葡萄 蘇頌圖紅葡萄北國之珍者汁可釀酒史記大宛以葡萄爲酒味最甘

美有家產山產之別肥而甜者曰家產小而酸者曰山產

燈籠果 本草燈籠草苦耽酸漿皆一物也苗似水茄而小子作房中如梅李

大皆黃赤色如朱櫻可食俗呼姑娘

蓮 結實曰蓮子有紅白二種花紅者蓮多藕少花白者蓮少藕佳

稜角 說文菱也陸佃詩疏云四角三角曰菱兩角曰菱產於泡泊者多

花類

芍藥

考劉攽芍藥譜三十二種孔武仲芍藥譜三十三種王觀芍藥譜三十

九種名類頗繁綏中所產只有深紅純白二色

芙蓉

莖葉如蒿即萬壽菊也

長春

柔條紛披黃花灼爛迎春放蕊晚秋卸落俗呼爲金盞

鳳仙花

一名指甲草以女兒長用以染指花有紫紅粉碧各色於葉間出小

莖開數小朵又一種莖甚短開花頂上名爲佛頂珠

鷄冠花

形如鷄冠有二種分紅黃白碧各色莖短者名壽星花穗尖長如鼠

尾者爲野雞冠

藍雀

羣芳譜曰其花如雀有頭有翼有尾有黃心如兩目者故名

雁來紅

有紅黃紫綠各色其紅者曰雁來紅白者曰雁來白餘色相似此物
無花春時綠葉至秋則變各色一名十樣錦一名老來變

虎耳草

葉似荷葉而圓有白紋莖葉纖微有白毛俗呼爲金絲荷葉

爬山虎

花似牽牛而大延蔓於籬壁間葱青如屏障子形似茄

牽牛花

酉陽雜俎曰一名金鈴草一名狗耳草又名黑丑白丑有黑白種葉
有二尖花碧藍色白者葉圓有斜尖花淺碧帶紅色入藥曰牽牛子

蝴蝶花

有藍紫二色莖葉花似藍雀瓣如兩翅形

大蜀葵

疎莖密葉翠萼艷花黑紫可染色紅白可入藥俗呼大蜀菊

小蜀葵

盛京通志曰叢低葉微厚花小如錢文彩可觀俗呼小蜀菊

葵花 莖高五六尺頂作黃花大如盤向日而轉俗呼向日蓮

山丹花 花開六出紅蕊四垂一名紅百合

捲丹花 莖葉似仙丹而高開紅花帶黃色六出四垂結子於枝葉間

玉簪花 莖葉叢生頂上生花未開時如玉簪搔頭至秋開花如捲丹形清馥

撲鼻

荷包花 枝葉叢生花似荷包鬚亦如穗五月始開

荷花 羣芳譜曰一名水芙蓉葉圓如蓋花有數色不結實惟紅白二色為最

白者香紅者豔

石竹花 羣芳譜曰石竹草品而青翠花色有五瓣如鋸齒子入藥名瞿麥

蓼花 唐詩曰紅蓼花疎水國秋是也其花嫩紅老紫子穗如大錠然

剪秋羅 一名漢宮秋深紅色花瓣數歧參差如剪八月始開以竹作架可玩

繡毬花 羣芳譜曰繡毬木本皺體葉青色微黑花開五瓣百花成朵團結如

毬滿樹分紅白二種

草茉莉 盛京通志曰一名胭脂花早開午合有紅黃紫白諸色又名粉團花

俗呼茉莉花又一種重台茉莉色尤嬌豔

江西臘 花葉如菊而色狀不一瓣有成針形筒形者花色深者其莖紫淺者

其莖黃

菊花 李時珍曰菊之品凡百種宿根自生莖葉至秋始開經霜而傲花色

品不同

野菊 莖葉花似菊而小花瓣朵似錢而圓

月季 羣芳譜曰青莖綠枝莖葉有刺有紅白及粉紅三色逐月而開四時相

繼

迎春 羣芳譜曰一名金腰帶方莖厚葉對節生枝一枝三葉春前放蕊花如

瑞香色黃無實

杏花 羣芳譜曰葉似梅較大二月着花五出未開純紅開時漸白至落則純

白矣

桃花 羣芳譜曰花有紅白又有白粉紅深粉紅之殊他如單瓣紅千瓣紅與

單瓣白千瓣白等說皆桃之變象也

梨花 葉似杏而較大花開六出潔白如雪

李花 詩云華如桃李蓋以枝幹如桃葉綠而多花小而繁淡白可掬

小桃花 枝幹似桃着花如錦園亭中多植之者

丁香花 葉圓有尖花開成簇分紫白二色

玫瑰花 生園野間細葉多刺花紅白色蕊黃驕豔芬馥香色異常以糖製之

成爲玫瑰入麴則成玫瑰露酒品味極佳

石榴花 花紅如火有結果與不結果之別

馬纓花 枝甚柔弱葉甚圓密晝舒夜捲五月開花如紅絨團上半肉紅下半

粉紅

榆梅 枝葉如榆花如紅梅逐枝開於葉間

六月菊 盛京通志曰其種來自朝鮮枝葉頗似萬年菊瓣黃赤相間

薄荷梅 葉如薄荷花有紅白粉諸色

金籐松 葉似松針花色極紅整齊可觀

西番蓮 來自天竺一名牡丹莖高三四尺花有紅黃紫各色逢秋愈開愈盛

木槿花 禮月令仲夏之月木槿榮花木如李詩云顏如舜華是也

草類

苧麻 一名花麻能取子榨油不可漚麻

線麻 產於奉省之南邊裡者爲最優品漚取其皮可製繩可織夏布其子亦可榨油惟綏中產麻無甚起色

大麻 似榮麻而大取子炸油可蘸臘亦可脂車

縑麻 李時珍曰苧麻今之白麻也多生卑濕之地葉圓而尖大如桐葉六七月間黃花結實漚之皮可作麻莖可燃火子可爲腐

藍 李時珍曰藍凡三種曰蓼藍曰菘藍曰馬藍高二尺許分枝布葉支杈成叢七月間著淡紅花結實長寸許其子如決明子而微小本處所種形如蓼藍圃人製靛爲出產大宗

棉花 李時珍曰棉有二種似木者名古貝似草者名古終南史所謂林邑諸

國出古貝樹高過屋花如鷺毳其緒可紡爲布是木之棉也其莖弱如
蔓高三尺許葉有三尖入秋開黃花亦有紫黃色者結實大如桃中有
白棉棉中有子大如梧子曰子棉八月採之謂之棉花又一種莖蔓結
實較子棉而特大者來自東洋曰大子棉絨短耐寒秋老方開收穫較
優今人多植之

蓑衣草 一名莎草產於水沼其莖二稜織爲蓑衣可以御雨

香草 即芸草也延蔓而生結角而實置之書中香可避蠹尤可燻烟而又香
艾 有水蒿艾蒿之別呼爲水蒿者其莖葉俱大呼爲艾蒿者其莖葉較小

烟草 本草一名烟酒味辛溫有毒能解山嵐瘴氣多食則火氣薰灼耗血損

身東三省均產惟吉林最佳綏中園圃多植之

羊草

草長尺許黝色油潤莖末圓勁似松針秋成刈穫能肥馬並可飼牛羊

馬蘭

蘇頌曰葉似菹而長厚三月開紫碧花五月結角而實一名旱蒲又名

馬薤

葦

羣芳譜曰生下濕地葉向四垂幹長丈許中虛皮薄純青色老則白莖中

有白膚較竹紙而薄身有節如竹葉隨節生無旁枝莖可爲箔爲蓆

莠

李時珍曰秀而不實故字從秀苗葉似粟而小其穗亦似粟而無實

扁擔草

叢生田野間葉似韭而色紫可飼馬牛

蓬

因風飛逐就地旋轉故曰飛蓬詩云彼茁者蓬是也

茨 延蔓而生黃花撲地子三角形如菠菜子有刺常刺人

香蒲 埤雅云叢生水涯似莞而扁春初生嫩色出水紅白色至老則黃白八

九月收葉可織席可作扇

水葱 如葱而長圓莖而滑可織涼蓆亦可爲扇

萍 生池沼中或云楊花入水所化一葉經宿卽生數葉下有微鬚卽其根也

一名水花又名水簾

蘋 浮生水面葉大者曰馬藻葉細者曰水蘊逢冬採食曰凍青菜

馬絆草 產於沿海各岸按茨生葉延蔓丈餘土人採取可織涼帽

星星草 盛京通志曰出山野間亦曰猩猩草葉如春韭穗若星星亦可飼馬

木類

松 盛京通志曰土人以結子爲果松無子者爲杉松多脂者爲油松羣芳譜
曰磔何多節盤根交枝皮麤厚望之如龍鱗四時常青枝柯不改葉三針
爲括子松七針者爲果松

栢 羣芳譜曰樹聳而直皮薄肌膩三月著花瑣細結實成毬狀如小鈴多瓣
經霜子熟裂中有子大如麥形芬芳可愛

桑 李時珍曰白桑葉大如掌而厚雞桑葉小而薄子桑先椹而後葉山桑葉
尖而長以子種者不若壓條而分者爲佳

槐 羣芳譜曰守宮槐又曰青槐白槐其葉嫩細而色青綠四五月間開黃花

未開時狀如米粒採取炒乾染黃色甚鮮子熟色黑以多子爲佳槐

榆

本草云榆莢飄零曰零榆木甚高大未葉時枝上先生瘤纍纍成串及開

又生榆莢色青白其圓如小錢故又名榆錢嫩葉可食榆錢可羹羣芳譜

曰榆凡數種惟零榆綏中多種植者

楸

本質堅硬花紋精細作櫃箱及棹面均堪適用北山多產之

檉

枝舒葉大皮黑紋細色赤者爲紫檉白者爲棟檉麻可製繩

樺

木皮似桃紫黑色有花紋可纏弓背木包紋細可雕刻各種器用

櫟

圖經曰櫟柞也又杼栲也皆象櫟之通名本草櫟凡二種一種不結實者

其名曰栲一種結實者其名曰栲其實爲橡其斗曰椀時人用以染皂

綬

中縣志

卷十四

物產

木類

二十三

遼寧省新印書局印

楊 木性柔輒種分青白葉大而圓曰青楊葉小而尖曰白楊

檉 枝柔葉細俗呼觀音柳一名三眠柳又名三春柳

柳 性喜下濕葉長如桃細絲弱條可編器具又一種倒栽柳宛轉千條如金

絲然

煖木 即黃蘗木也皮厚而煖柔可包弓幹可作鞭杆

荊條 李時珍曰開花成穗紅紫色子大如胡荽白膜裏有青赤二種青者為

荊赤者為桔嫩條可為筐篋根可為炭

棘 爾雅翼曰棘心赤而外有刺分赤白二種其刺有直者鈎者之辨

老鸛眼木 一名鼠李木質堅緻有花紋子赤黑色如老鸛眼皮可染色

明開夜合木 盛京通志曰一名金銀柳木質細潤結子如花至冬不凋

藥類

黑脂麻 俗呼巨勝黑脂麻也與白脂麻異白可榨油黑可入藥

茄花 經霜後採之即茄子花也

茄根 老根去皮經霜採之即茄子根也

萊菔子 即蘿蔔子也見菜類部

薤白 俗呼小根菜迎春而生產於田野之間

益母草 詩云中谷有薤爾雅萑薹註今芫蔚也俗呼益母

苦丁香 即瓜蒂也

馬齒莧 莖圓而味酸園圃多產之俗呼螞蟻菜

黃精 李時珍曰生山野中根長二寸葉似竹而不尖或兩三葉或四五葉對

節而生其根橫行採其苗曰筆管菜

柴胡 辛溫無毒稜子山南北產之

五味子 其味有五李時珍曰南產者色紅北產者色黑入滋補藥北產最良

桔梗 蘇頌曰根如指大黃白色春生苗莖高尺餘葉似杏葉四葉相對而生

夏開紫花狀如牽牛子

甜桔梗 又名土桔梗性寒而味甘北山產之

車前子 陸機詩疏云此草好生道旁牛跡馬鳥之間大葉長穗江東呼爲蝦

衣幽州呼爲羊舌草

香附 即莎草也味甘微寒無毒

遠志 李時珍曰此草服之能益智強志故有遠志之稱亦有大葉小葉二種

百合 其根如蒜頭頂有瓣蘇頌云病名不合而用百合治之不識其義李士

材云亦有清心安神之效耳

龍膽草 味苦如膽其葉最堅經霜不凋

細辛 柔莖細根葉似小葵根直而色紫味極辛者曰細辛也根葉皆入藥

地膚子 即掃帚子也性寒味苦園圃多產者

蒲黃 生水草中甘辛無毒棒生黃粉俗呼香蒲也

防風 一名屏風草莖葉俱青著小白花結實如胡荽產於山者佳產於野者

次之

菟絲 毛詩註女蘿是也性甘苦和平無毒附豆科而生俗呼黃絲能害禾

升麻 性微寒味甘苦無毒根可入藥苗呼爲苦龍芽

赤芍 李時珍曰其根單瓣者入藥

黃芩 李時珍曰芩說文作葢謂其色黃也或云芩者黔也乃黃黑色也味苦

性寒入藥無毒

牛蒡子 本草蘇頌曰鼠黏即牛蒡子也四月間著花成叢實殼多刺鼠過則

綴黏不可脫故名鼠黏子又名大力子

白頭翁 蘇頌曰正月生苗作叢生狀葉生莖頭宛如杏葉其苗有風則靜無

風則搖與赤箭獨活相類也

透骨草 李時珍曰筋骨風濕用以醫治

瞿麥 俗名石竹花也著花紫色其形如麥

馬鞭草 似茵而圓性平味辛春月生苗方莖紫花葉似益母作穗如車前子

蒲公英 李時珍曰小科布地四散而生莖葉花如介宛似苦苣小耳嫩苗可

食

小茴香 李時珍曰小茴香即蒔蘿也辛溫無毒實褐色六七月採之

合歡 羣芳譜曰枝柔而弱葉密而圓綠如小槐莖葉對生至暮而合

杏仁 味甘苦性溫平小有毒即杏仁也

桃仁 性甘無毒能順氣殺食平胃

雞冠子 性苦無毒園圃多種之

貫仲 俗呼鳳尾草苦性微寒有毒至八月可採之

蕁麻子 俗呼葑麻子味甘辛小有毒紅花者子可入藥黑花者造油

薄合花 李時珍曰方莖赤色其葉對生初生形長而頭圓及長則稍尖氣味

頗辛

麻黃 僧繼洪曰中牟地多產麻黃冬不積雪以其性過熱故也今原野產之

茅根 瀋陽縣志茅針可潰癰解毒

菓園

綏中北區菓木森林種植頗繁然其樹藝之術未必美善雙兼自民國十四年農科職業學校始設園藝科地方人士見栽植萃菓利厚於是創辦果園者接踵而起茲將成立分志如左

- 一 蔚昌農林公司距城二十里名曰雞架山創於民國十四年計二千八百畝經智慶雲王果忱等報領集股經營果林公舉智慶雲爲總經理王果忱爲副經理現有長住工人十名車一輛牛十頭栽有蘋果類八千株桃類三千株梨類五千株杏類四千株李類五百株柞樹五千株松樹萬株葡萄百株每年支出約二千八百餘元預計七年後除歷年支出外可得

純利五千餘元十年後得利遞加

二 大台山果林公司距城八里創於民國十二年經智慶雲畢渭橋等報領經營果林佔地二千餘畝經理者二人常住工人五名現栽有梨類一萬株蘋果類五百株杏類九千株桃類九千株柞樹萬株松樹萬株每年支出約二千元預計十年後除歷年支出外可得純利三千元逐年增加

三 大東果園距城二十里創於民國十四年係董子衡個人報領計地一千畝經營各種果樹聘技師一名係丹國基督教會果樹園藝科學校畢業現栽有蘋果六千株梨五千株桃四千五百株杏三千株柞三千株松二千株葡萄二百架每年支出約一千五百元預計七年後可得純利三千

元逐年遞加

四

興綏果園公司距邑城西九十里前所北牛羊溝佔地千餘畝創辦人盧瑞忱侯信五等由民國十五年始行組織是秋即栽蘋果樹六千餘株結果之時擬自製罐頭運消遠地

五

茂林果圃距城三十里地名葉家墳創於民國十五年圃主董子衡技師齊明三專培養各種果苗現栽有十萬株以備頻年嫁接蘋果之用佔地九十畝至民國十七年植樹節前果苗可儘數出山

六

壽山果園在西關外一里係寺人闡壽山與本縣人馬瑞清合立現有二年生蘋果苗五萬株一年生蘋果苗一萬五千株蘋果樹四十棵草梅百

綏

中縣志

卷十四

物產

果園

二十八

...

株洋櫻桃十株

七

果樹標本園該園係縣立農科職業學校經營內植蘋果三十株其品種

曰國光曰新國光曰紅玉曰新紅玉曰黃玉曰倭錦曰柳玉曰紅魁曰白

龍曰大珊瑚曰大丹頂曰祝曰旭梨五株其品種曰紅梨曰鴨梨曰秋白

梨曰香水梨曰花蓋梨桃五株其品種曰上海水蜜桃曰天津水蜜桃曰

金桃曰白桃曰秋接桃葡萄其品種曰玫瑰香曰紅圓心曰紫電霜曰牛

乳曰龍眼

馬氏山蠶場

在前衛北二十里跳鼠溝面積約三千畝柞樹頗多場主馬芝

瑞由民國十四年春試養山蠶成績極佳

永安山蠶場 馬氏山蠶場東鄰即永安山蠶場佔地二千畝自生柞樹無際

現正整理場地尙未育蠶場主王果忱趙欽郭步雲三人

公園 農科職業學校以校園闢爲公園佔地十二畝圍以墻垣遍植花草築

亭曰賞心每當春夏之頃紅花綠葉婆娑生姿遊者悅目

...

...

...

...

...

...

...

...

...

...

...

...

...

...

...

...

綏中縣志目錄

第十五卷

物產 下

禽類

獸類

魚類

蟲類

貨類

卷五

卷六

卷七

卷八

卷九

卷十

卷十一

卷十二

物產編

禽類

雞

徐鉉曰雞者稽也能稽時也韓詩外傳雞有五德頭戴冠者文也足搏距者武也敵在前敢鬪者勇也見食相呼者仁也守夜不失時者信也易禮俱稱翰音者即雞之變名也肉味美而卵亦富故農家多畜之

鷺

爾雅舒雁鷺一日蒼鳴埤雅曰鷺之行也自然而有行列故聘禽經云鷺見異類則差翅鳴見同類則拂翅鳴毳毛長脰趾間有蹼亦喜水中游泳綏中所產肥美清時常以冰鷺入貢

鴨

禽經云鴨鳴呶呶其名自呼鳧能高飛而鴨舒緩不能飛故曰舒緩格物

論曰雄者綠頭文翅雌者黃斑色又有純黑純白白而烏骨者不等

沙雞

吉林通志曰沙雞似雉而小脚有毛爾雅謂之鷓鴣俗呼沙半斤鷓似雌雉鼠脚無後指歧尾愁急羣飛出北沙漠地尤多

野鴨

陸機詩疏云雜青白色背上有文短喙長尾卑脚紅掌常晨飛江湖海中又一種冠鳧頭上有冠乃海中石首魚所化也盛京通志曰有綠

頭尖尾黃脚等名

鶉

詩鶉之奔奔註鶉鷓屬也李時珍曰大如鷄雛頭細無尾毛有斑點雄者足高雌者足卑性畏寒好鬪其在田野夜則羣飛晝則草伏人能以聲呼

取之畜令鬪惟青蛙化者則不鬪

鐵脚 盛京通志曰雀之大者爪堅如鐵土人稱爲鐵雀冬則羣飛入海

鐵背雀 盛京通志曰大於家雀灰色尾分兩白翎

鴟鵂 盛京通志曰身大色黑黃而斑晝目無見夜則明晝則伏其頭如貓俗

呼夜貓子晝伏夜出其聲初聞若哭後若笑

蝙蝠 李時珍曰形似鼠灰黑色有薄肉翅連合四足及尾如一夏出冬蟄日

伏夜飛食蚊蚋自能生育糞入藥名夜明砂

靛雀 俗呼靛類又名靛缸分紅藍二種皆以頰下之毛色別之畿輔通志曰

靛雀大似瓦雀土人呼爲自自回回

黃肚雀 俗呼黃肚囊有大小二種小者長嘴短尾大者尾根正白盛京通志

曰爲水鷲按水鷲一名鷓鷯南方湖溪多有之似野鴨而小陳藏器曰鷓鷯水鳥也大如鳩鴨脚連尾不能陸行常在水中人至即沈其狀與肚雀不同通志所載未知何據存以備考又有黃雀形類瓦雀春夏頗多人恆以籠畜之

柳葉兒

盛京通志曰色淡綠小如指又串柳兒類柳葉雀形微大

縮脖子

盛京通志曰灰色形如鸛翅大脚高飛則縮頸俗呼縮脖子

信天翁

玫瑰記水禽名信天翁嘗開口待魚亦曰信天公又名天緣河間府

志曰信天綠類鵠色蒼長立水際終不易地魚過則食之盛京通志

曰青韞俗呼青莊

白頭翁 盛京通志曰形如鵲鵲頭白身灰黑江表傳有白頭鳥集殿前孫權

問此何鳥諸葛恪曰白頭翁也

鵲 盛京通志曰似鷺而大灰白二色其羽可爲箭翎

慈鳥 許氏說文曰烏孝鳥也又名慈鴉鴉初生母哺六十日長則反哺六十

日可謂慈孝矣盛京通志曰俗呼老鴉

鴉 邢疏小爾雅云小而腹下白不反哺者謂之烏鴉盛京通志曰土人呼爲

山老鴉

鵲 一名喜鵲又名乾鵲本草綱目李時珍曰上下飛鳴以音感而孕以視而

抱季冬始巢知來歲風多巢必卑下性最惡濕故謂之乾鵲亦名靈鵲

鴿 一名鶉鴿又名飛奴本草李時珍曰處處人家畜之亦有野鴿性淫易合

故其字從合亦與鳩爲匹偶

山鵲

酉陽雜俎謂之赤嘴鳥本草綱目李時珍曰狀如鵲而鳥色有文采赤

嘴赤足尾長不能遠飛諺云朝鸞叫晴暮鸞叫雨說文以爲知來事之

鳥

鳩 爾雅郭註今之布穀也性慤孝而拙於爲巢天將雨即逐其雌霽則呼而

返之或云雄呼晴雌呼雨

鷹

爾雅鷹鴉鳩郭註當爲鷓之誤本草綱目李時珍曰鷹以膺擊故謂之膺

其頂有毛角故曰角鷹其性爽猛故曰鷓鳩北人多取雛養之乃鳥之疏

暴者

東青鵬

亦曰海青通考女貞出海東青本草綱目李時珍曰青鵬出遼東最

俊者謂之海凍青鵬尾翎十四

鳶

詩鳶飛戾天張華曰鳶鷂類一名雀鷹本草綱目李時珍曰鷂似鷹而稍

小其尾如舵極善高翔專捉雞雀禽經鵠生三子一爲鷂

魚鷹

本草綱目李時珍曰鶚狀可愕故謂之鶚其視睢健故謂之睢能入穴

取食故謂之下窟鳥盛京通志曰大於鴉色黑鉤嘴食魚一名釣魚郎

燕

陶弘景曰燕有兩種紫胸輕小者曰越燕有斑黑而聲大者曰胡燕盛京

通志曰今土人以善構巢者爲巧燕不善構者曰拙燕來去皆以社時故

曰社燕李時珍曰其來也銜泥巢於屋宇之下其去也伏氣蟄於窟穴之中或謂其渡海者謬談也凡狐貉皮毛見燕則毛脫物理使然

雀 一名瓦雀亦曰麻雀說文雀依人小鳥也李時珍曰棲宿檐瓦之間馴近階除之際如賓客然故曰瓦雀體絕肥背有脂可以炙食甚美

黃鸝 詩義疏曰黃鳥鸝鷁也幽州人謂之黃鸝一名會庚淮人謂之黃伯勞本草綱目李時珍曰處處有之盛京通志曰風土記六月東南風長海魚化爲黃雀又季秋雀入大水爲蛤指此俗呼黃鳥

啄木 郭註口如錐長數寸常斲樹食蟲因名李時珍曰小者如雀大者如鴉剛爪利嘴啄木得蠹以舌鉤出食之士人呼爲山啄木又呼爲火老鴉

鸛 格物總論曰鸛水鳥狀類於鶴本草綱目李時珍曰鸛似鶴而頂不丹長
頸赤喙色灰白翅尾俱黑多巢於高木詩鸛鳴於垤垤蟻塚也

鳳頭鳥 盛京通志曰一名阿藍又曰叫天李時珍曰其目似鶻其形似鸞
山鵲也春來秋去好食桑椹即戴勝未審是否又曰聲似畫眉

蠟嘴 即桑扈爾雅名竊脂又名青雀盛京通志曰喙如黃蠟畜之可玩李時
珍曰鳶鳥處處山林有之

紅料 盛京通志曰色紅善鳴色花者謂之花料又謂之麻紅料亦謂之紅麻
料色青者謂之青麻料

白眼雀 盛京通志曰目有白圈又有大眼雀睛大而圓

三道眉 盛京通志曰其眉似分三道夏月深林中常見之

獸類

馬

說文馬怒也又武也新唐書云率賓之馬與五代時女貞產名馬爲俗所貴人家多畜之以爲服車戴載之需

牛

禮曰太牢又曰一元大武權輿論曰牛得坤陰而生頭部兩角四足一尾有紅黃白黎各色能效服賈耕田之勞又爲祀享所必需

驢

說文驢似馬而耳長李時珍曰長頰廣額修耳夜鳴且其性善馱負有褐黑白三色

羸

說文曰騾驢父馬母也蟬史曰騾不生育性剛善走北方多取以駕車力

耐遠行而不因爲引重致遠所必需

羊 李時珍曰諸羊皆孕四月而生其性惡濕而喜燥在畜屬火故易繁而性

熱在卦屬兌故外柔而內剛毛可供織料肉可供祀饗

豕 禮曰剛鬣爾雅豕子豬也李時珍曰豬孕四月而生食不取潔故謂之豕

坎爲豕水畜而性趨下喜穢也肉味甚美故今人珍之

犬 禮曰羹獻孔子曰視犬之字如畫狗也又曰狗叩也叩氣吠以守也李時

珍曰狗類甚多其用有三長喙善獵田犬也短喙善守吠犬也體肥供饌

食犬也今人多畜之者

貓 禮郊特牲迎貓爲其食田鼠也李時珍曰有黃黑白駁數色狸身而虎面

柔毛而利齒尾長腰短目如金銀畏寒而不畏暑能畫地下食隨月旬土下嚙鼠首尾皆與虎同

鼠

李時珍曰形似兔而小尖喙善穴青黑色四齒無牙長鬚露眼尾文如織

大

穴居人家常嚙咬器物見人而避淮南子曰鼠食巴豆而肥食鹹鹽而身

輕食砒而即死

鼯鼠

爾雅郭註形大如鼠頭似兔尾有毛青黃色好在田中食粟豆關西呼

爲鼯鼠詩云碩鼠是也

鼯鼠

廣雅鼠狼即鼯鼠也又名地猴俗呼黃鼠狼體輕捷而性狡變李時珍

曰人家多有之身長尾大其氣極臊臭其毫與尾可作筆

兔
埤雅曰嘴嚼者九竅而胎生獨兔雌雄八竅五月而吐子李時珍曰按事類合璧云兔大如狸而色褐形如鼠而尾短耳大而銳上脣缺而無脾長鬚而前足短趨捷善走或謂兔無雄望月中顧兔以孕者不經之說也

狐
埤雅曰狐性善疑則不可以合類故字從狐李時珍曰南北皆有北方最多有黃黑白三種日伏夜出竊豆莢而食氣極臊烈毛皮可爲裘長而黃者曰草狐短而齧者爲莎狐腋毛純白者爲白狐

狸
形似狐惟狐之身瘦而長狸之身肥而短

狼
周禮獸人冬獻狼李時珍曰狼豺屬也北方尤多南人呼爲毛狗其居有穴形大如犬而尖喙駢脇有黃黑蒼灰各色其腸直故鳴則後竅皆沸其

性殘故常貪食猪羊樸子曰山中稱當路君者狼也

獾 體肥行鈍油肉如猪皮可為茵

貉 狀如狸性好睡皮輕煖可製裘

白鼠 鼠類能避鼠一名艾虎

刺蝟 毛硬如刺現象似鼠足尾俱短觸之則全形驟縮圓如栗房俗呼刺蚊

魚類

鯽 鯽鮒魚今作鯽類篇鱮小魚也今鯽魚

細鱗魚 圓身細鱗多出山流狹處

鱧 詩周頌鱧鱧鯉傳白鱧也形狹而長鱗白而細其性浮俗呼白漂子產

淡水

鮫 同鮫廣韻集韻並音莎俗呼梭魚是也出海中眼赤出河中眼白初春者

最佳

鱮 說文出樂浪藩國今奉天等處皆有之夏初者佳

鱣 同鱣爾雅翼云鱣似蛇無鱗體有涎沫有青黃二色生水岸泥窟中俗呼

爲黃鱣

鮎 爾雅郭註別名鯢江東通呼鮎爲鯢兩目上陳口方頭大尾小身滑無鱗
謂之鮎魚言黏滑也

鱮 說文鱮也爾雅鱮鱮註今泥鱮穴於泥中因以名云

沙鮫

爾雅鯊鮫註今吹沙小魚體圓而有斑點文陸機疏云魚狹而小常張

口吹沙俗呼沙鮫魚

鰈

俗呼抵子魚盛京通志脊高腹平鱗小味腴

鰻

爾雅郭註今鰻額白盛京通志云身圓無鱗尾多三歧一名霸魚

鱗

同鯊說文飲而不食刀魚也邢疏云一名鱗刀形薄多刺海中有之俗呼

刀鱗

同勒魚

似鯉而頭微大鱗小重不過舳許出海中

鯊

即勒魚俗名膾魚又呼爲火勒魚身薄多刺類似江南鱗魚出東海時逆

水而上多且厚土人每羣取之

比目魚 爾雅東方有比目魚焉不比不行其名謂之鱧郭註狀似牛脾鱗細

紫黑色一眼兩片相合乃得行今水中所在有之俗呼鞋底魚又呼

為鰓板魚

烏鰂 蘇軾魚說海之魚有烏賊其名者按烏鰂一名墨魚一名黑魚狀若革

囊無鱗惟其口在腹下八足聚生口旁如帶腹中含墨見人及大魚至

則噴墨以自蔽背上一骨獨厚入藥曰海鰓鮑

海骨董魚 即大頭魚身粗而短味亦腴美一名家鱗魚

羊魚 身圓色黃尾如羽箭能刺人相傳羊魚胎生故漁人甚惡之

瓶魚 形如瓶而扁肉極細

鏡魚 形圓如鏡色白味美

石首魚 一種似海青魚身微寬鱗細名白迷子頭中有兩白石如玉又一種

黃花魚蓋一類也

鱠殘魚 色白無鱗若已鱠者俗呼麪條魚即杜詩所賦小白也

海豹 皮白色有花點海濱人偶得之

海豚 形如豚鼻在腦上隨風潮出入舟人候以占風

海狗 本草云獸身獸頭魚尾連兩短足毛有斑文錯雜其油能澄水腎入藥

名脰膈海中常見之

蟹 周禮仄行註仄行蟹屬疏今人謂之旁蟹以其側行故也

蝦

爾雅翼蝦多鬚善游而好躍又同鰈今之海鰈堪爲酢醢及所呼鰈米者
正字通云磯鬚鉞鼻背有斷節尾有硬鱗多足好躍腸屬腦子在腹外大
蝦產海中長數寸賣者必以對故曰對蝦出邑之西海口與海蟹同時並
見小者俗呼爲青蝦去殼者曰蝦米曰金鈎蝦子曝乾爲海錯極小者連
殼曝乾爲蝦皮

鱒

身圓而長赤脈貫睛俗呼赤眼魚

鱧魚

頭身俱圓而尾尖如鱧形

蚶

有白蚶麻蚶之別白蚶出綏中東海口麻蚶出西海口

鼈

說文甲蟲爾雅翼別卵生形圓脊穹四足八角陸佃曰鼈思生鼈伏於淵

綏

中縣志

卷十五 物產魚類

十一

遼寧作新印刷局印

而卵於陵此以思化也埤雅鼈以眼聽水居陸生又鼈伏隨日朝首東鄉夕首西鄉又鼈之所在必有浮沫謂之鼈津捕者以此占之

山蛤 盛京通志曰伏於岩中似蝦蟆而大腹紅黃色俗呼蛤什蟆

螳 亦蚌之類肉在殼中似蜆而長又一種獨角者呼爲筆管螳是也

蠣黃 臨海志曰石華附石肉可啖即此類也海濱漁人於潮退取之殼可入藥

螺 本作贏爾雅贏小者蝸其種類不一或花或白出綏中者類尤繁

蛙 其種有一三形小善鳴喚者名蛙即郭璞云青蛙也一後足長善躍其聲大則曰蛙其聲小則曰蛤一種似蟾蜍皮上多斑背上多疥不能跳躍

亦不能鳴今呼爲癩蛤蟆是也

海蜘蛛 似旱蜘蛛腹大而股長純白色食之味美

墨斗 形小而圓腹內羣黑如墨汁然故名

海胎魚 子孕於海而生於河味美鱗細最喜清水綏中各河夏時多有

石蘭子魚 綏中各河均產惟高兒河石子河爲最優俗稱滑石牛

龍頭魚 大頭細尾長不盈尺狀若龍頭俗稱拐躡魚

青皮魚 形似比目而色青其味略次

扒齒魚 似鯪魚而小紅刺金鱗味美而鮮

蟲類

蠶 本草李時珍曰孕絲蟲也喜燥惡濕食而不飲三眠三起二十七日而老
有家蠶山蠶之別吐絲甚細售價亦昂綬中七八區多育之者

蜂 說文飛蟲螫人者其毒在尾爾雅曰其大者在地中作房而啖其子名馬
蜂其形差小在樹上作房者曰蜜窠其埤蜜甚爲可採售價亦昂綬中土
人多有以木桶收爲家畜者獲利甚厚

蟬 禮月令孟秋寒蟬鳴說文蟬勝鳴也方首廣額兩翼六足以脇而鳴轉丸
化成三十日而死山林中多有之俗呼早曰伏涼晚曰秋涼其殼入藥名

蟬蛻

螺贏 詩螟蛉有子螺贏負之其種有三營巢於室壁間者曰螺贏穴地爲巢

者名蠨螋巢於書卷筆管中者爲蒲盧形既不同大小亦異

蟻 說文蚍蜉也本草李時珍曰有大小黑白黃赤數種穴居卵生居有等行

有隊春出冬蟄能知雨候壅土成封曰螿封俗呼爲麻螿

蟋蟀 陸璣詩疏云蟋蟀似蝗而小正黑色有光澤有角翅能鳴善鬪俗呼促

織

竈馬 亦名竈鷄按酉陽雜俎曰竈馬狀如促織稍大腿長土人家壁間竈下

極多俗呼爲蟬螂

蟋蟀 詩曰六月莎鷄振羽盛京通志曰便腹青色秋鳴以股冬後則死廣雅

謂之勞蛸土人呼爲聒聒

阜螽 盛京通志曰長角修股善跳作聲形色不一江東呼爲蚱蜢俗呼爲螞

蚱

蟻螂 本草李時珍曰蟻螂以土包糞轉而成丸雄曳雌推覆之坎中數日有

小蟻螂出蓋孵乳於中也

螬 本草李時珍曰其狀如蠶身大節促足長有毛感濕熱氣薰蒸而化俗名

螬螬又名螬螬

蚓 李時珍曰蚓之行也先偏而後伸其壤如丘故名蚯蚓禮月令孟夏蚯蚓

出冬則蚯蚓結

蜻蜓 古今注曰身大而色青者曰蜻蜓六足四翼羣飛水際俗呼馬蛤

蜘蛛 盛京通志曰大者爲蜘蛛小者爲喜子長踦者即詩謂之蠩蛸是也

蠍 說文蠍尾蟲也玉篇蠍尾螫人本草一名杜白蟲又名主簿全體九節泡

可入藥

壁鏡 一名壁鏡李時珍曰形扁色斑八足而長似蜘蛛而小伏幕壁間如鏡

狀

蟬 爾雅蟬白魚食書中蟲也本草謂之衣魚俗稱蠹魚

蝸牛 古今注曰蝸牛如小螺白色生池澤草木間頭有兩角行則觸警則縮

首尾俱藏殼中盛夏日常自懸於樹葉下

天牛 李時珍曰大如蟬黑甲光如漆甲上有黃白點甲下有翅目前有二黑

角甚長動喙如鉗甚利六足在腹夏月見之必雨

叩頭蟲 劉敬叔異苑曰形如大豆叩頭如稽顙故名

蛾 說文蠶化飛蟲也古今注曰蛾似黃蝶而小其眉勾曲如畫善拂燈前一

名火化一名暮光

蜚 盛京通志曰蜚之形色黃白斑黑大小不一皆蟲所化

螻蛄 李時珍曰螻蛄穴土而居短翅四足腹大善鳴雄者泡可入藥名曰土

狗

蠓 列子曰生於朽壤之間因雨而生見陽而死

蝮虎 盛京通志曰卽守宮食蟲不畏其毒故呼蝮虎亦呼馬蛇

蠅 毛詩箋曰蛻化爲蠅糞能敗物汚白使黑汚黑使白又一種蠅虎形似蜘蛛而色灰專捕食之

蚊 李時珍曰冬蟄夏出晝伏夜飛細身長喙刺人膚血甚爲人害化生於朽木腐草之間

虻 俗呼瞎虻仲夏即見酷齧行人牛馬亟苦之

蜈蚣 一名螂蛆形大於蚰蜒而粗茅簷殘壁中常有之

蚰蜒 感潮濕而生似蜈蚣而細長囓人毒甚

螟螣 玉篇螟食苗心蟲也詩云去其螟螣及其蠹賊是也

蚤 形小而黑跳躍迅速手捉不易

臭蟲 說文齧蟲也夏熱齧人又有齧牛狗一種曰牛錄狗蝨

貨類

鹽 周禮職方氏東北曰幽州其利漁鹽出口貨類鹽爲大宗按隸甯遠州時
沿海鹽灘統計二百零八自光緒二十八年興綏分治興城灘居多數出
產實繁隸綏中者僅鹽鍋一處灘只十餘付歷年產鹽一百一十餘萬斤
除供前衛前所銷用外餘可入關

滷 爾雅云滷苦水也今海濱灘戶以鹽下重濁之水煎製而成凝結巨塊銷
售四外以爲製豆腐之需

硝 係海濱灘戶以滷水和淡水煎沸調勻凝結而成即朴硝細者爲芒硝芒

硝入藥朴硝製皮又一種以鹹土淋水煎製而成爲火硝製火藥等用出產日繁售銷亦遠

棉 綏中西北區土質礫薄性最宜棉所以有地百畝之家百穀僅居其半而棉花實居大宗察歷年各家所獲多有數千斤至數百斤者質白絨長織布精良除本處消耗外出口爲大宗貨又一種大子者其絨較短

蠶絲 蠶絲一道爲王政之大經實治富之要術有清末葉積俗相沿育蠶不事詳求治絲安得華美自民國改元振興實業設有蠶科專門傳習學員以備巡行民間講演浴蠶至是七八區內漸覺進化繅絲人家或多少至百斤少至十數斤物品精良織而有文售出外埠得價甚昂又一種

山蠶兩季吐絲春絲曰春紬秋絲曰秋紬出產甚饒

獸毛

毛屬甚多而能以製物者惟羊毳羊毛牛毛爲大宗綏中帽舖手工專製一種毡帽毡鞋毡襪有專以毛製者亦有毡毛合作而成者又一種毛毡毡毡牛毛毳者取材精良物質堅美歷年出售於東三省者爲最廣可與猪鬃猪毛發行於天津上海者同居奇貨

獸皮

狐貉貂騷各種爲野獸皮綏中向無能製之手工均銷售於四外爲出口貨惟家畜之牛皮可製靴鞞羊皮可以爲裘狗皮可作鋪褥馬皮可作套包其他各皮零星雜用均能量材製器售銷內地

油 芝麻蘇子蔴子棉花子及黃合豆均能造油而綏中貨產香油麻油合油

不過僅供內地售銷惟蘇油豆油兩種境內出產日繁工人製造亦精有造以人力有造以機器者其油餅層出不絕常出售於上海烟台等處酒 麵合紅糧薰熾而成綏中向無燒鍋用酒均由外省販運自光緒三十三年國家提倡商業綏中奉文開燒鍋六家近愈暢興永盛泉福源昌各號又能以機器造酒不假人力嗚呼昔之用酒麴而代外運者今反以酒麴而運外矣商業發達已見一斑

果 果類實繁凡杏品桃品棗品梨品及各果品爲類不一稱名亦異產於綏中七八兩區品美味甘按年計本地銷用不過十居其一其餘均經客商或運以旱脚或載諸火車販運於奉吉黑三省銷售者爲最多獲利亦鉅

落花生

綏中西北地多磽薄惟落花生一種最宜沙性近來農業暢達頗講種植生滋日蕃收穫亦鉅或用白糖作蘸或取子榨油均得厚利而運販外城者時常有之

藕粉

七區高台堡屯南有蓮花池百餘畝秋殘花落蓮子蓮房採可入藥土人挖藕漚製成粉食之於人大補亦特產也

棗泥

以紅棗和糖製成可作果餅等餚味極甘美爲特產

玫瑰

以刺梅花和紅糖搗成亦作果餅等餚與棗泥味同美以之泡酒爲玫瑰露酒亦特產

荆條

荆條產於北山柳條產於河堤土人採用以編筐篋織筥羅篋箕等

具爲各家所必需亦可販運於外城

蓆衣

取水產之草織成蓆衣夏可禦雨售銷甚遠

涼帽

用秫稽末節經女工精細製造編成涼帽販運外城銷售甚廣

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居

子曰君子居則遷而遷則居居則遷而遷則居居則遷而遷則居